

ETUCE radionica u Vilniusu, Litvanija, 25-26. februar 2019. godine

U organizaciji Evropskog sindikalnog komiteta za obrazovanje (ETUCE) održana je u Vilniusu od 25-26. februara druga radionica u okviru projekta *Socijalni dijalog i ravnopravnost polova: jačanje sindikata obrazovanja u isticanju potrebe ravnopravnosti polova u obrazovanju kroz socijalni dijalog*. Radionicu je vodila Rosella Benedetti (UIL-Scuola Italia).

Cilj projekta je pružanje sindikatima konkretnih rješenja u praksi kako bi se suočili sa nejednakošću polova kroz jačanje socijalnog dijaloga po sektorima obrazovanja na nacionalnoj, regionalnoj i lokalnoj osnovi u EU. Nedavne društveno-ekonomske promjene u Evropi, brzo širenje digitalne tehnologije i migracije imale su značajan uticaj na ravnopravnost polova. Međutim, studije ETUCE-a otkrivaju da se manje od 40% sindikata obrazovanja bave učinkom rodne ravnopravnosti u rješavanju ekonomske krize i pitanja ravnopravnosti u socijalnom dijalogu. Kako bi se riješili ovi izvještaji, projekat ETUCE-a o izgradnji kapaciteta o ravnopravnosti polova usredsređen je na aktivniji rad organizacija članica ETUCE na promovisanju ravnopravnosti polova u nastavničkoj profesiji i u sindikatima obrazovanja, kao i pružanju konkretnih rješenja u praksi za rješavanje problema rodne nejednakosti u sektoru obrazovanja kroz različite instrumente socijalnog dijaloga.

Tokom dvodnevne radionice učesnici su imali priliku da razgovaraju o nacionalnim istraživanjima i identifikovanju problema kroz online upitnik koji je sproveden među organizacijama članicama ETUCE-a, a odnosi se na postojeće izazove za ravnopravnost polova u obrazovnoj struci i njihova moguća rješenja kroz rad sindikat obrazovanja.

Rasprava i diskusija posebno su bile posvećene vertikalnoj i horizontalnoj segregaciji u obrazovnoj struci, ravnoteži između poslovnog i privatnog života, kao i razlici u zaradama i penzijama, pitanju rodne ravnopravnosti i povezanosti kroz širu društvenu zajednicu i rodno uslovljeno nasilje. Kako bi dobili više stručnih istraživanja o stanju ravnopravnosti polova na tržištu rada, obrazovnoj profesiji i modernom društvu u cjelini, stručnjaci ETUCE-a koji se bave tematikom ravnopravnosti, kao i litvanskog sindikata su govorili su na radionici.

Polazišta u različitim prezentacijama organizacija članica ETUCE-a bila su aktivnosti u gorepomenutim izazovima kod ravnopravnosti polova u obrazovnoj struci i društvu, a učesnici radionice su pozvani da ispituju kako sindikati obrazovanja mogu doprinijeti osiguranju ravnopravnosti polova pomoću instrumenata socijalnog dijaloga. Manji sastanci radnih grupa pružili su učesnicima priliku za razmjenu iskustava o izazovima i dobrim praksama s ciljem davanja preporuka za reviziju Akcionog plana ETUCE-a o ravnopravnosti polova i doprinos online dobroj praksi sindikata obrazovanja u ublažavanju rodne segregacije i poboljšanju ravnopravnosti polova u profesiji obrazovanja kroz socijalni dijalog.